

I hob mei Handy vergessn

1

Text und Musik: Werner Meier

I hob mei Handy vergessn

I steig ganz normal in die S-Bahn nei
Es war in da Früh und es war die S-2
Kaum war i drin , dann hob i's scho gspannt
I war total außer Rand und Band
Herzrasen, Schweißausbruch, Atemnot!
Ich starre an die Wand und ich seh nur noch rot
Mei Nebenmann, der wollt glei mei Herz massiern
Der andere, der wollt die Notbrems ziang
Alle laufen zam und starren mi so o
Des deaf net wahr sei, aber es is a so

I hob mei Handy vergessn

Der S-Bahn Chor:

Er hat sei Handy vergessn

I hob gmoant, i hätt's in d'Hosentaschn gschobn
Aber es steckt dahoam in der Ladestation
Und Tausende ruafan bestimmt jetzt scho o
Und i hock in der S- Bahn und koana geht dro
Und da herin telefonierns und simsens und mailen
Und twittern und googlen und posten und teilen
Und i, ohne web, ohne app, ohne Verbindung zur cloud

I hob mei Handy vergessn

2

Ein Online-Loser, der zum Fenster naus schaut

I hob mei Handy vergessn

Der S-Bahn Chor:

Er hat sei Handy vergessn

A Telefonhäusl geht a nimma her

I wissat ja eh koa Telefonnummer mehr

Nix mehr is drin, Feng Shui in der Birn

In der Ladestation steckt mein ganzes Hirn

Werd mi beim Eikaufa verlaufa, i könnt sogar sterbn

Dann komm i in Himmi, und was dat des werdn

Ich trete hin vor Gott und ich werd ganz rot

Dann schaut er mi so o, bestimmt sagt er no

Du hast Dein Handy vergessn

Und die Englein singen runter von der iCloud:

Er hat sei Handy vergessen

Doch Gott sei Dank steht neben Gott ein mildlächelnder Mo

Und bietet mir glei sei Handy o

Komm zu uns, mein Sohn, werden wir Freunde

Komm zu uns in die Apfelgemeinde

Hier tut Dir niemand was zu leide

Es ist nicht der Apfel der Sünde, es ist der Apfel der Freude

Komm, hob kein schlechtes Gewissen

I hob mei Handy vergessn

3

Aber der Apfel, der ist doch schon angebissen!

Ja, damit man weiß, dass er gut und nicht giftig ist

Jetzt weißt Du, dass Du bei uns gut aufgehoben bist

Ja, danke, i glaub i hob's

Ah, danke Steve ...